



BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD ŽIVINICE
- GRADONAČELNIK -
Broj: 01/2-04-89-910/21
Živinice, 30.06.2021. godine

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06 i 51/09"), člana 38. Statuta Grada Živinice („Službeni glasnik Grada Živinice“, broj: 5/19) i Pravilnika o utvrđivanju uslova, kriterija, postupku raspodjele sredstava i praćenju realizacije projekata i programa za oblast tjelesne kulture, sporta i sportskih manifestacija ("Službeni glasnik Grada Živinice", broj: 4/21) i Pravilnika o izmjenama i dopunama Pravilnika o utvrđivanju uslova, kriterija, postupku raspodjele sredstava i praćenju realizacije projekata i programa za oblast tjelesne kulture, sporta i sportskih manifestacija, broj: 01-2-04-89-905/21 od 30.06.2021. godine (u daljem tekstu: Pravilnik), Gradonačelnik objavljuje

DRUGI JAVNI POZIV

za podnošenje aplikacija i projektnih prijedloga za finansiranje i sufinansiranje programa/projekata sportskih organizacija u oblasti tjelesne kulture, sporta i sportskih manifestacija iz Budžeta Grada Živinice za 2021. godinu

I

Predmet Javnog poziva

(1) Predmet Javnog poziva je prikupljanje aplikacija i projektnih prijedloga za finansiranje i sufinansiranje programa/projekata sportskih organizacija u oblasti tjelesne kulture, sporta i sportskih manifestacija iz Budžeta Grada Živinice za 2021. godinu, na sljedećim budžetskim kodovima:

1. 614 311 - Program podrške sportskim klubovima koji se takmiče na državnom i entitetskom nivou u iznosu od 450.000,00 KM (preostao iznos od 54.495,20 KM),
2. 614 311 – Program podrške sportskim klubovima koji se takmiče na kantonalnom i gradskom nivou u iznosu od 100.000,00 KM (preostao iznos od 31.489,42 KM),
3. 614 311 – Program podrške za takmičenje ostalih sportskih klubova i uspješnih sportista u iznosu od 100.000,00 KM (preostao iznos od 45.350,50 KM),

(2) Sredstva iz stava (1) ovog člana dodjeljuju se za:

1. Sredstva iz stava (1) tačka 1. ovog člana dodjeljuju se sportskim organizacijama koje se bave **kolektivnim sportom (vrhunski sport, kvalitetni sport i sport lica sa invaliditetom)**.
2. Sredstva iz stava (1) tačka 2. ovog člana dodjeljuju se sportskim organizacijama koje se bave **organizovanim oblicima takmičenja na kantonalnom ili gradskom nivou**.
3. Sredstva iz stava (1) tačka 3. ovog člana dodjeljuju se sportskim organizacijama koje se bave **individualnim sportom (vrhunski sport i kvalitetni sport)**.
4. Sredstva iz stav (1) tačka 3. ovog člana dodjeljuju se sportskim organizacijama koje se bave **rekreativnim sportom, sportskim odgojem i obrazovanjem, zdravstvenom zaštitom sportista i ostalim organizacijama koje se bave sportskom djelatnošću**.

(3) Ukupna raspodjela novčanih sredstava aplikantima neće biti veća od iznosa novčanih sredstava predviđenog u tački I, stav (1), tačke 1., 2. i 3. ovog Javnog poziva.

II

Namjena sredstava

Sredstva se dodjeljuju za realizaciju programa/projekata sportskih organizacija koji se odnose na finansiranje ili sufinansiranje:

- a) vrhunskog sporta,
- b) kvalitetnog sporta,
- c) sporta lica sa invaliditetom,
- d) sportskih takmičenja na kantonalnom i gradskom nivou,
- e) sportske rekreacije,
- f) sportskog odgoja i obrazovanja,
- g) zdravstvene zaštite sportista,
- h) organizacija sportskih manifestacija i turnira.

III

Pravo na dodjelu sredstava

Pravo na dodjelu sredstava za finansiranje ili sufinansiranje programa/projekata imaju sljedeće sportske organizacije:

- a) sportski klubovi (amaterski i profesionalni),
- b) sportska društva,
- c) školska sportska društva,
- d) sportski savezi,
- e) udruženja stručnih osoba osposobljenih za rad u sportu,
- f) udruženja sportske rekreacije,
- g) sportski klubovi lica sa invaliditetom (amaterski i profesionalni),
- h) druga udruženja koja se prema svojim registrovanim djelatnostima bave sportom,
- i) pravna lica koja se prema svojim registrovanim djelatnostima ne bave sportskom djelatnošću, a koja su određena Pravilnikom.

IV

Uslovi

(1) Aplikanti (sportske organizacije) moraju zadovoljiti sljedeće opće uslove:

1. da su osnovani i registrovani u Bosni i Hercegovini,
2. da su vođeni od strane državljana Bosne i Hercegovine,
3. da imaju sjedište na području Grada Živinice,
4. da su projekti i programi u potpunosti ili djelimično namijenjeni građanima Grada Živinice, osim ako Pravilnikom nije drugačije određeno,
5. da se projekti i programi realizuju za period budžetske godine (od 01.01. do 31.12. 2021.),
6. da ne obavljaju aktivnosti u ime političkih partija.

(2) Izuzetno, sredstva za finansiranje i sufinansiranje sportskih djelatnosti iz Budžeta Grada Živinice mogu se dodijeliti sportskoj organizaciji koja nema registrovano sjedište na području Grada Živinice, za projekte i programe koji se ne realizuju na području Grada Živinice, ako u realizaciji sportske djelatnosti učestvuju građani sa područja Grada Živinice koji čine istaknute sportiste – pojedince koji ostvaruju vrhunske rezultate u individualnim sportovima, a za potrebe priprema i učešća na sportskim takmičenjima u tim sportovima.

(3) Aplikanti koji se prijavljuju na javni poziv, dužni su dostaviti sljedeću dokumentaciju (obavezna dokumentacija):

1. Elektronski popunjen aplikacijski obrazac koji mora biti potpisan od strane odgovorne osobe i ovjeren pečatom sportske organizacije (aplikanta),
2. Aktuelni izvod iz registra udruženja ne stariji od 12 mjeseci (original ili kopija ovjerena od strane nadležnog organa – gradska uprava ili notar),
3. Uvjerenje o poreznoj registraciji – ID broj (original ili kopija ovjerena od strane nadležnog organa – gradska uprava ili notar),
4. Karton deponovanih potpisa (original ili kopija ovjerena od strane nadležnog organa – gradska uprava ili notar),
5. Ugovor o otvaranju žiro-računa udruženja ili potvrda iz banke o žiro-računu (original ili kopija ovjerena od strane nadležnog organa – gradska uprava ili notar),
6. Dokaz o namjenskom utrošku finansijskih sredstava dobivenih iz Budžeta Grada Živinice za prethodne godine, Služba za opću upravu, društvene djelatnosti, boračko-invalidsku zaštitu i raseljene osobe Grada Živinice dostavlja Komisiji po službenoj dužnosti,

7. Uvjerenje/potvrda o urednom izmirenju indirektnih poreza, izdato od Uprave za indirektno oporezivanje, ne starije od tri mjeseca od dana podnošenja prijave (ukoliko je u sistemu PDV-a) (original ili kopija ovjerena od strane nadležnog organa – gradska uprava ili notar). Ukoliko nije u sistemu PDV-a, aplikant o tome dostavlja izjavu potpisanu od strane ovlaštene osobe sportske organizacije i ovjerenu pečatom sportske organizacije,
8. Izjava ovlaštene osobe sportske organizacije da aplikant za projekat ili program za koji aplicira nije dobio sredstva u ukupnom iznosu vrijednosti projekta/programa od drugog donatora potpisana od strane ovlaštene osobe sportske organizacije i ovjerena pečatom sportske organizacije.

V **Kriteriji**

(1) Komisija vrednuje prijedloge projekata/programa sportskih organizacija koje se bave vrhunskim i kvalitetnim sportom (kolektivnim i individualnim) prema kriterijima s pripadajućim brojem bodova:

- nivo takmičenja na kojim sportske ekipe i sportisti učestvuju prema predloženom projektu,
- ostvareni sportski rezultati u prethodnoj godini,
- masovnost,
- broj selekcija,
- broj stručnih osoba uključenih u realizaciju projekta ili programa,
- dužina trajanja sezone/takmičenja,
- složenost sistema takmičenja,
- budžet i racionalnost troškova,
- kvalitet projekta/programa.

(2) Komisija vrednuje prijedloge projekata/programa sportskih organizacija koje se bave zvaničnim takmičenjem na kantonalnom i gradskom nivou prema kriterijima s pripadajućim brojem bodova:

- nivo takmičenja na kojim sportske ekipe i sportisti učestvuju prema predloženom projektu,
- broj selekcija,
- ostvareni sportski rezultati u prethodnoj godini,
- masovnost,
- broj stručnih osoba uključenih u realizaciju projekta ili programa,
- dužina trajanja sezone/takmičenja,
- složenost sistema takmičenja,
- budžet i racionalnost troškova,
- kvalitet projekta/programa,

(3) Vrednovanje kriterija iz stavova (1) i (2) ovog člana Komisija vrši posebno za kolektivni sport, a posebno za individualni sport.

(4) Komisija vrednuje prijedloge projekata/programa sportskih organizacija koje se bave rekreativnim sportom, sportskim odgojem i obrazovanjem, zdravstvenom zaštitom i drugih sportskih organizacija koje se bave sportskom djelatnošću, a ne spadaju niti u jednu od navedenih kategorija sportskih organizacija iz stavova 1. i 2. ovog člana, prema kriterijima s pripadajućim brojem bodova:

- tradicija organizovanja/postojanja projekta ili programa,
- ostvareni sportski rezultati u prethodnoj godini,
- očekivani rezultati,
- broj stručnih osoba uključenih u realizaciju projekta ili programa,
- masovnost,
- dužina trajanja projekta,
- vidljivost (promocija) projekta,
- budžet i racionalnost troškova,
- kvalitet projekta/programa.

(6) Sportske organizacije su obavezne dostaviti dokaze o ispunjavanju navedenih kriterija za vrednovanje projekata i programa, koji su navedeni u aplikacijskim obrascima koji su sastavni dio ovog Javnog poziva, zavisno od namjene sredstava za koju sportske organizacije apliciraju. U slučaju nedostavljanja potrebne dokumentacije po bilo kojem od utvrđenih kriterija, projektni prijedlog sportskih organizacija neće biti bodovan po kriteriju za koji nije dostavljena potrebna dokumentacija.

(7) Svaki član Komisije dodjeljuje bodove od 1 do 5 za svaki od kriterija pojedinačno na sljedeći način: 1 (veoma loše), 2 (loše), 3 (odgovarajuće), 4 (dobro), 5 (veoma dobro). Aplikant koji ne dostavi dokaze o ispunjavanju nekog od kriterija za vrednovanje projekata i programa koji su definisani aplikacijskim obrascem, svaki od tih kriterija bodovaće se nulom. Konačan broj bodova za svaki od kriterija predstavlja prosječan broj bodova navedenog kriterija svih članova Komisije.

(8) Maksimalan broj bodova koje aplikant može ostvariti je 45. Projekti koji dobiju 15 i više bodova bit će financirani, odnosno sufinansirani iz Budžeta Grada Živinice, s obzirom da projekti/programi sa nižim brojem bodova od 15 ne zadovoljavaju postavljene standarde i neće biti financirani, odnosno sufinansirani.

(9) Sportska organizacija može aplicirati maksimalno do 35% planiranih sredstava u Budžetu Grada Živinice na budžetskoj poziciji za koju aplicira. U slučaju da je iznos sredstava veći od 35%, Komisija će isti iznos smanjiti na 35% u budžetu planiranih sredstava na određenoj budžetskoj poziciji u aplikaciji sportske organizacije i dalje će se koristiti taj iznos.

(10) Na osnovu broja bodova vezanih za kriteriji „budžet i racionalnost troškova“ iz člana V, i to:

- 1 – 1,49 dodjeljuje se 20% traženog iznosa sredstava,
- 1,50 – 1,99 dodjeljuje se 30% traženog iznosa sredstava,
- 2 – 2,49 dodjeljuje se 40% traženog iznosa sredstava,
- 2,50 – 2,99 dodjeljuje se 50% traženog iznosa sredstava,
- 3 – 3,49 dodjeljuje se 60% traženog iznosa sredstava,
- 3,50 – 3,99 dodjeljuje se 70% traženog iznosa sredstava,
- 4 – 4,49 dodjeljuje se 80% traženog iznosa sredstava,
- 4,50 – 4,99 dodjeljuje se 90% traženog iznosa sredstava,
- 5 dodjeljuje se 100% traženog iznosa sredstava.

(11) Iznos sredstava koji je izračunat u stavu 10. ovog člana se na osnovu ukupnog broja bodova:

- 15 – 17,99 dodjeljuje 20% iznosa izračunatog u stavu 10. ovog člana,
- 18 – 20,99 dodjeljuje 30% iznosa izračunatog u stavu 10. ovog člana,
- 21 – 23,99 dodjeljuje 40% iznosa izračunatog u stavu 10. ovog člana,
- 24 – 26,99 dodjeljuje 50% iznosa izračunatog u stavu 10. ovog člana,
- 27 – 29,99 dodjeljuje 60% iznosa izračunatog u stavu 10. ovog člana,
- 30 – 32,99 dodjeljuje 70% iznosa izračunatog u stavu 10. ovog člana,
- 33 – 35,99 dodjeljuje 80% iznosa izračunatog u stavu 10. ovog člana,
- 36 – 38,99 dodjeljuje 90% iznosa izračunatog u stavu 10. ovog člana,
- 39 – 45 dodjeljuje 100% iznosa izračunatog u stavu 10. ovog člana.

(12) U slučaju da je iznos sredstava za sportske organizacije, koji je dodijeljen na način propisan u stavu (10) i (11) ovog člana veći od iznosa sredstava planiran budžetskom pozicijom, procentualno se smanjuje svim sportskim organizacijama do iznosa planiranog budžetskom pozicijom.

VI

Projekti/programi koji se neće finansirati

(1) Grad Živinice neće finansirati/sufinansirati sljedeće programe/projekte:

- projekti sportskih organizacija koje nisu izvršile svoje obaveze po ranije odobrenim projektima financiranim ili sufinansiranim iz Budžeta Grada Živinice,
- projekti koji se baziraju na investicionim ulaganjima, adaptaciji ili izgradnji kapitalnih objekata, ili na kupovinu opreme, osim ako je oprema neophodna za uspješnu implementaciju projekta,

- projekti kojima je predviđen dio administrativnih i materijalnih troškova (električna energija, voda, telefon, kancelarijski materijal i sl.) veći od 20% ukupnog iznosa projekta, osim ako Pravilnikom nije drugačije određeno,
- projekti koji su usmjereni prema političkim aktivnostima,
- projekti koji su namijenjeni za isključivu dobit pojedinca,
- projekti koji se zasnivaju na dodjeljivanju sredstava trećoj strani, osim ako Pravilnikom nije drugačije određeno.

(2) Sredstva dodijeljena iz Budžeta Grada Živinice za projekte/programme sportskih organizacija se ne mogu koristiti za finansiranje ili sufinansiranje sljedećih troškova:

1. zakup kancelarijskog prostora,
2. naknade za rad predsjednika, podpredsjednika i sekretara sportske organizacije,
3. naknade za rad upravnog odbora ili drugih radnih tijela organizacije,
4. troškove reprezentacije predsjednika udruženja i drugih lica iz upravljačke strukture.

VII

Prijava na Javni poziv

(1) Javni poziv se objavljuje na web stranici Grada Živinice, oglasnoj tabli i putem RTV-a Živinice.

(2) Prijave na Javni poziv se podnose na jednom od propisanih aplikacijskih obrazaca po Javnom pozivu za podnošenje aplikacija i projektnih prijedloga za finansiranje i sufinansiranje programa/projekata sportskih organizacija u oblasti tjelesne kulture, sporta i sportskih manifestacija iz Budžeta Grada Živinice za 2021. godinu, koji mora biti potpisan i ovjeren pečatom sportske organizacije.

(3) Aplikacijski obrasci su propisani kao:

- Aplikacijski obrazac 1 – Vrhunski sport, kvalitetni sport, sport lica sa invaliditetom (kolektivni i individualni sportovi),
- Aplikacijski obrazac 2 – Sportske organizacije (klubovi) koje se takmiče na kantonalnom i gradskom nivou (kolektivni i individualni sportovi),
- Aplikacijski obrazac 3 - Sportske organizacije koje se bave rekreativnim sportom, sportskim odgojem i obrazovanjem, zdravstvenom zaštitom i drugim sportskim djelatnostima.

(4) Sportske organizacije se prijavljuju na Javni poziv isključivo na jednu od budžetskih pozicija koje su definisane u članu I stav (1) Javnog poziva, u zavisnosti od ranga takmičenja, odnosno vrste sportske djelatnosti koju obavljaju.

(5) Jedna sportska organizacija može aplicirati sa jednim aplikacijskim obrascem (projektnim prijedlogom) za kalendarsku godinu, kojim može obuhvatiti sve ili više svojih aktivnosti koje provodi u toku kalendarske godine, s tim da ukupan iznos traženih sredstava za projekat/program ne prelazi 35% budžetske pozicije Budžeta Grada Živinice za koju aplicira.

(6) Ako sportska organizacija aplicira na budžetsku poziciju ili oblast koja je van područja njenog djelovanja, Komisija zadržava pravo da o tome usmeno obavijesti aplikanta, i pozove ga da u roku od tri dana izmijeni svoju prijavu, o čemu će Komisija za provođenje postupka i odabir projekata i programa sportskih organizacija sačiniti službenu zabilješku. Ukoliko aplikant ne postupi po obavijesti, Komisija će odbaciti prijavu.

(7) "Na drugi javni poziv ne mogu aplicirati aplikanti koji su dobili sredstva na prvom javnom pozivu u istoj budžetskoj godini."

VIII

Način i rok za podnošenje prijave (aplikacije)

Elektronski popunjen aplikacijski obrazac koji mora biti potpisan od strane odgovorne osobe i ovjeren pečatom sportske organizacije sa pratećom dokumentacijom dostaviti Komisiji za provođenje postupka i odabir projekata i programa sportskih organizacija koji će se finansirati ili sufinansirati iz Budžeta Grada Živinice za 2021. godinu, u zatvorenoj kovrti uz obaveznu naznaku:

“Prijava na Javni poziv za finansiranje ili sufinansiranje projekata/programa sportskih organizacija-NE OTVARAJ“, putem pisarnice Grada Živinice ili preporučeno putem pošte na adresu:

Grad Živinice

Komisiji za provođenje postupka i odabir projekata i programa sportskih organizacija koji će se finansirati ili sufinansirati iz Budžeta Grada Živinice za 2021. godinu,

Ulica Alije Izetbegovića broj 28, 75270 Živinice

(uz obaveznu naznaku “Prijava na Javni poziv-NE OTVARAJ“)

- (1) Javni poziv ostaje otvoren 15 dana od dana objavljivanja na web stranici Grada Živinice.
- (2) Projektni prijedlozi s nepotpunom dokumentacijom i dostavljeni izvan predviđenog roka neće biti razmatrani niti finansirani.
- (3) Komisija donosi Privremenu rang listu o odabiru projekata i programa za oblast tjelesne kulture, sporta i sportskih manifestacija koji se finansiraju/sufinansiraju iz Budžeta Grada Živinice, s tabelarnim prikazom svih sportskih organizacija, naziva projekata i iznosom sredstava i objavljuje je na web stranici Grada Živinice.
- (4) U cilju zaštite ličnih podataka, podaci prikupljeni od podnosioca prijava će biti tretirani u skladu sa odredbama Zakona o zaštiti ličnih podataka („Službeni glasnik BiH“, broj: 32/01).

IX

Korištenje sredstava i izvještavanje

- (1) Sredstva dodijeljena za projekte/programme sportskim organizacijama moгу se koristiti i pravdati tokom cijele budžetske godine (od 01.01.2021. do 31.12.2021.), odnosno na način kako je definisano Pravilnikom o utvrđivanju uslova, kriterija, postupku raspodjele sredstava i praćenju realizacije projekata i programa za oblast tjelesne kulture, sporta i sportskih manifestacija, broj: 01/2-04-89-393/21 od 20.04.2021. godine i zaključenim Ugovorom.
- (2) Aplikanti kojima su dodijeljena sredstva dužni su dostaviti izvještaj o realizaciji projekta (narativni i finansijski dio) sa ostalom potrebnom finansijskom dokumentacijom, što ovisi od dužine trajanja projekta i visine dodijeljenih sredstava.
- (3) Rokovi za dostavljanje izvještaja biće utvrđeni u ugovoru, odnosno mjesec dana poslije realizovanog projekta ili do kraja budžetske godine.

X

Informacije podnosiocima prijava

- Prispjela dokumentacija neće se vraćati.
- Podnosilac prijave je odgovoran za tačnost podataka u prijavi na propisanom obrascu.
- Prijave koje nisu podnesene na propisanim obrascima, neblagovremene i nepotpune prijave koje nisu dostavljene u navedenom roku neće biti razmatrane.
- Prijave korisnika sredstava koji nisu opravdali namjenski utrošak dodijeljenih sredstava u proteklim godinama iz Budžeta Grada Živinice neće biti razmatrane.
- Sredstva će biti doznačena nakon potpisivanja ugovora, u jednoj ili više tranši, u skladu s prilikom budžetskih sredstava Grada Živinice. U slučaju nedostatka sredstava u Budžetu Grada Živinice za tekuću godinu, obustaviti će se realizacija dodjele finansijskih sredstava u potpunosti ili djelimično, srazmjerno nedostajućim sredstvima.
- Sve dodatne informacije vezane za Javni poziv mogu se dobiti svakim radnim danom na broj telefona: 035/743-387 ili na e-mail: elvirs@gradzivinice.ba.

Dostaviti :

1. RTV Živinice 1x,
2. Oglasna tabla Grada Živinice 2x,
3. Web stranica Grada Živinice 1x,
4. Arhiva 1x.

GRADONAČELNIK

Doc. dr. sci. Samir Kamenjaković